

佛說頂生王因緣經卷第四 第五第  
之三

宋西天三藏朝奉大夫懿光禪師傳法大師梵護等奉詔譯

復次龐堅園南二十由旬有龐堅地縱廣正等二百五十由旬周市千由旬有百一種綵繪嚴飾清淨柔軟其地中間有四寶臺間錯莊嚴天曼陀羅華散布其地道路長二十由旬閣半由旬清淨嚴飾華果樹林衣服音樂莊嚴等樹一一具足亦有輿輦隨思即至受諸快樂彼有天仙修習梵行復次善見城西二十由旬有園名雜種縱廣正等二百五十由旬周市千由旬內外嚴麗殊妙可觀園有金牆高一由旬金牆之上有四女牆金銀瑠璃頗底迦成復有重牆通往來道亦四寶作其園中地有百一種綵繪嚴飾又復柔軟如兜羅錦及如妙疊下足隨陷舉足隨起有天

曼陀羅華散布其地深可膝量香風時來吹去萎華更雨新者雜種園中有大池沼縱廣正等五十由旬周市二百由旬金銀瑠璃頗底迦等以布其底池之四面有四梯陞金銀瑠璃頗底迦成彼池沼中有四寶臺金銀瑠璃頗底迦等間錯莊嚴若金爲臺即銀爲柱及以梁棟若銀爲臺即金爲柱及以梁棟若瑠璃爲臺即頗底迦爲柱及以梁棟若頗底迦爲臺即瑠璃爲柱及以梁棟清涼甘美水滿池中優鉢羅華鉢訥摩華俱母陀華奔擎利迦華等偏覆其內復有種種水鳥遊戲池中出妙音聲謂高遠聲悅意聲美妙聲等復有種種華樹果樹直生端立圓無缺減如結鬘師取以妙線妙巧安布盤結成鬘華果樹林亦復如是彼樹復有種種飛鳥遊止其上

出妙音聲觸處皆有青黃赤白四色劫波衣  
樹其樹所出四色妙衣又有種種妙音樂樹  
所謂簫笛琴箜篌等又有種種妙莊嚴樹彼  
樹所出手鉶足環及身莊嚴妙好之具又有  
四色酥陀味食謂青黃赤白若彼天男女天

之三

二

女等隨所思者纔起心時而皆自至又有四  
種所飲之漿謂末度漿摩達網漿迦譚末梨  
漿播襄漿等復有種種殊妙莊嚴殿堂樓閣  
諸天女等或處其中安隱而坐或觀視遊行  
悉有種種輿輦服用莊嚴之具天女駢隘擊  
鼓奏歌頌衆名香豐諸飲食而彼天衆與諸  
眷屬嬉戲娛樂隨自福力受斯勝果園中道  
路長二十由旬閣半由旬清淨嚴飾金沙布  
地觸處徧灑栴檀香水金繩交絡垂金鈴鐸  
道路左右亦有種種華果樹林飛鳥遊戲出

妙音聲亦有四色劫波衣樹及音樂樹莊嚴  
樹等復有四種莊嚴輿輦謂象乘馬乘車乘  
寶輿若彼天男及玉女等思其乘馭往遊戲  
者纔起心時隨思即至乘已遊行受諸快樂  
此園何故名爲雜種謂此園中所有池沼華

果樹林衣服嚴具及天女等種種雜故又此  
園中諸天子衆以雜種類嬉戲娛樂由是緣  
故名雜種園復次雜種園西二十由旬有雜  
種地縱廣正等二百五十由旬周市千由旬  
有百一種綵繪嚴飾清淨柔軟其地中間有  
四寶臺間錯莊嚴天曼陀羅華散布其地道  
之三  
路長二十由旬閣半由旬清淨嚴飾華果樹  
林衣服音樂莊嚴等樹一一具足亦有輿輦  
隨思即至受諸快樂彼有天仙修習梵行復  
次善見城北二十由旬有園名歡喜縱廣正

等二百五十由旬周市千由旬內外嚴麗殊妙可觀園有金牆高一由旬金牆之上有四女牆金銀瑠璃頗底迦成復有重牆通往來道亦四寶作其園中地有百一種綵繪嚴飾又復柔軟如兜羅綿及如妙疊下足隨陷舉足隨起有天曼陀羅華散布其地深可膝量香風時來吹去萎華更雨新者歡喜園中有大池沼縱廣正等五十由旬周市二百由旬金銀瑠璃頗底迦等以布其底池之四面有四梯陞金銀瑠璃頗底迦成彼池沼中有四寶臺金銀瑠璃頗底迦等間錯莊嚴若金爲臺即銀爲柱及以梁棟若銀爲臺即金爲柱及以梁棟若瑠璃爲臺即頗底迦爲柱及以梁棟若頗底迦爲臺即瑠璃爲柱及以梁棟清淨甘美水滿池中優鉢羅華鉢訥摩華俱

母陀華奔擎利迦華等徧覆其內復有種種水鳥遊戲池中出妙音聲謂高遠聲悅意聲美妙聲等復有種種華樹果樹直生端立圓無缺減如結鬘師取以妙線妙巧安布盤結成鬘華果樹林亦復如是彼樹復有種種飛鳥遊止其上出妙音聲觸處皆有青黃赤白四色劫波衣樹其樹所出四色妙衣又有種種妙音樂樹所謂簫笛琴箜篌等又有種種妙莊嚴樹彼樹所出手釧足環及身莊嚴妙好之具又有四色酥陀味食謂青黃赤白若之三彼天男及天女等隨所思者纔起心時而皆自至又有四種所飲之漿謂末度漿摩達網漿迦譚末梨漿播襄漿等復有種種殊妙莊嚴殿堂樓閣諸天女等或處其中安隱而坐或觀視遊行悉有種種輿輦服用莊嚴之具

天女駢隘擊鼓奏歌藝衆名香豐諸飲食而  
彼天衆與諸眷屬嬉戲娛樂隨自福力受斯  
勝果園中道路長二十由旬闊半由旬清淨  
嚴飾金沙布地觸處徧灑栴檀香水金繩交  
絡垂金鈴鐸道路左右亦有種種華果樹林  
飛鳥遊戲出妙音聲亦有四色劫波衣樹及  
音樂樹莊嚴樹等復有四種莊嚴輦謂象  
乘馬乘車乘寶輿若彼天男及天女等思其  
乘馭往遊戲者纔起心時隨思即至乘已遊  
行受諸快樂此園何故名爲歡喜謂此園中  
所有池沼華果樹林衣服嚴具及天女等彼  
諸天衆隨所受用嬉戲娛樂隨自福力心生  
適悅歡喜快樂以是緣故名歡喜園復次歡  
喜園北二十由旬有歡喜地縱廣正等二百  
五十由旬周市千由旬有百一種綵繪嚴飾

之三

五

清淨柔軟其地中間有四寶臺間錯莊嚴天  
曼陀羅華散布其地道路長二十由旬闊半  
由旬清淨嚴飾華果樹林衣服音樂莊嚴等  
樹一具足亦有輦隨思而至受諸快樂  
彼有天仙修習梵行復次善見天城東北有  
樹名波利質多羅俱毗陀羅其樹盤根五十  
由旬一一樹枝出五十由旬彼第一枝東出  
五十由旬第二枝南出五十由旬第三枝西  
出五十由旬第四枝北出五十由旬中枝上  
出高聳虛空五十由旬其樹高一百五十由  
旬徑五十由旬周市三百由旬妙香順風聞  
百由旬逆風五十由旬色光明照八十由旬  
枝葉華果開落依時所有三十三天衆若見  
此樹半努鉢羅輪時心生歡喜彼諸天衆遊  
行戲樂其樹非久又見戶蘭擎鉢羅輪彼諸

天衆心生歡喜遊行戲樂其樹非久又見惹  
羅迦惹覩彼諸天衆心生歡喜遊行戲樂其  
樹非久又見叉囉迦惹覩彼諸天衆心生歡  
喜遊行戲樂其樹非久又見骨砧摩羅迦惹  
觀彼諸天衆心生歡喜遊行戲樂其樹非久  
又見迦迦爲葛惹覩彼諸天衆心生歡喜遊  
行戲樂其樹非久又見芳盛普偏開敷彼諸  
天衆見是波利質多羅俱毗陀羅樹偏開敷  
已心生歡喜夏四月中於其樹下五欲娛樂  
嬉戲自在隨自福力受斯勝果佛言大王福  
威力故彼三十三天中波利質多羅俱毗陀  
羅樹勝異如是復次三十三天波利質多羅  
俱毗陀羅樹下有雜飾地縱廣正等五十由  
旬周帀二百由旬殊麗可觀有百一種綵繪  
嚴飾清淨柔軟如兜羅錦及如妙氈下足隨

陷舉足隨起天曼陀羅華散布其地香風時  
來吹去萎華更雨新者其中布以純金所成  
最勝賢座帝釋天主處于座上彼三十三天  
諸天子衆夏四月中遊止其間五欲娛樂嬉  
戲自在又復雜飾柔軟周帀於地復有種種  
華樹果樹直生端立圓無缺減如結鬘師取  
以妙線妙巧安布盤結成鬘華果樹林亦復  
如是有衆飛鳥遊止其上出妙音聲又有四  
色劫波衣樹其樹所出四色妙衣又有種種妙  
音樂樹所謂簫笛琴箜篌等又有種種妙  
莊嚴樹彼樹所出手鉗足環及身莊嚴妙好  
之具又有四色酥陀味食謂青黃赤白若彼  
天男及天女等隨所思者而皆自至又有四  
種所飲之漿謂末度漿摩達網漿迦譚末黎  
漿播曩漿等復有種種殊妙莊嚴殿堂樓閣

諸夫女等或處其中安隱而坐或觀視遊行  
悉有種種輿輦服用莊嚴之具天女駢隘擊  
鼓奏歌藝衆名香豐諸飲食而彼天衆與諸  
眷屬夏四月中五欲娛樂嬉戲自在隨自福  
力受斯勝果

之三

七

佛說頂生王因緣經卷第四